



# Leano la ga Mmolotsi



**Katekani Matumba**






Mmolotsi o ne a nna le mmemogolo.

O ne a ya nokeng fa a bowa sekolong.

Se se ne se diragala letsatsi le letsatsi.





Mmolotsi o ne a fologela ka thabana ka kgameo fa a ya nokeng. E ne e le mmila o moleele. Se se ne se mo lapisa.



Mmolotsi o ne a tlatsa kgamelo e tona ka metsi.

Kgamelo e ne e le boima.

A sa kgone go e kuka bonolo.





Ka boima a rwala kgamelo.

A tsamaya ka iketlo go leba gae. E ne e le tiro e e boima e le tota.



Mmemogolo o ne ka gale a leta Mmolotsi  
kwa gae. O ne a mo thusa go rola kgameo.  
Mmolotsi o ne a lapa thata.






Mmolotsi o ne a ya sekolong a lapile. O ne a sa dire tiro ya sekolo sentle. Morutabana o ne a sa itumedisiwe ke go lapa ga Mmolotsi.



Mmolotsi a ka dira eng? O ne a batla go dira sentle kwa sekolong, mme go ga metsi ka kgameo e tona go a mo lapisa.







Mmolotsi a nna le leano.

A kopa tsala ya gagwe Mmaletsatsi go mo thusa go ga metsi. Ba ne ba ka kgaoganya metsi magareng ga bona.



Ditsala tse pedi tsa ya go ga metsi kwa  
nokeng mmogo.

Ba arolelana metsi a kgamelo e tona.

Ba dirisa dikupu go ga metsi.





Ditebogo go Mmaletsatsi. Mmolotsi ga a sa lapa. O kgona go dira tiro ya sekolo sentle.



“Go kopa Mmaletsatsi go go thusa go ga metsi ke leano le le siameng, Mmolotsi,” ga bua morutabana ka boitumelo.

“Bona teko ya gago! O dira sentle le mo Dipalong!”

